

及諸公及私令采發者。亦垂一萬。總會鄴宮。季龍臨軒簡第諸女。大悅。封使者十二人皆爲列侯。自初發至鄴。諸殺其夫及奪而遣之。縊死者三千餘人。荆楚揚徐間。流叛略盡。宰守坐不能綏懷。下獄誅者五十餘人。(晉書卷一〇六載記第六石季龍上。)

按虎荒淫無道。國勢日就衰落。及內亂一生。而鮮卑、氐、羌諸族。乘機而起。北方局面。遂呈大變化。

季龍荒耽內遊。威刑失度。遂于太以事爲可呈呈之。季龍悲曰。此小事。何足呈也。時有所不聞。復怒曰。何以不呈。

諛責杖捶。月至再三。遂甚恨。私謂……季龍等曰。官家難稱。吾欲行冒頓之事。言將試父卿從我乎。顏等伏不敢對。

……季龍……收李顏等詰問。顏具言始末……季龍大怒。廢遂爲庶人。其夜殺遂……立其子宣爲天王皇

太子。(晉書卷一〇六載記第六石季龍上。)

宣素惡韜。宣弟。有寵於季龍。……謂所幸楊杯卒成曰。韜凶豎勃逆。敢違我如是。汝能殺之者。吾入西宮。當盡以韜之

國邑分封汝等。韜既死。主上必親臨喪。因行大事。蔑不濟矣。杯等許諾……是夜。韜讎其寮屬……宣使楊杯

……等緣獼猴梯而入。殺韜……季龍疑宣之害韜也……執趙生而詰之。生具首服。季龍悲怒彌甚。幽宣。

……牽之登梯。上於柴積……四面縱火……東宮衛士十餘萬人。皆謫戍涼州……遂立世。季龍少子。爲母劉曜之女。

皇太子……故東宮謫卒高力等萬餘人。當戍涼州。行達雍城。既不在赦例。又勅雍州刺史張茂送之。茂皆奪

其馬。令步推鹿車。致糧戍所。高力……等因衆心之怨。謀起兵東還……所向崩潰。戍卒皆隨之。比至長安。衆

已十萬。……遂東出潼關。進如洛川。……東掠滎陽陳留諸郡。季龍大懼。以燕王石斌爲大都督。……統姚弋仲苻洪等擊。……敗之。……討其餘黨盡滅之。……季龍疾甚。以石遵爲大將軍鎮關右。……季龍亦死。……世卽僞位。……石遵聞季龍之死。屯於河內。姚弋仲、苻洪、石閔、卽冉劉寧等。旣平秦洛。班師而歸。遇遵於李城。河南溫縣。說遵曰。……京師宿衛空虚。……鼓行而討之。執不倒戈開門而迎。殿下者邪。遵從之。……石閔爲前鋒。……張離率龍騰二千。斬關迎遵。……遵。……入自鳳陽門。……僭卽尊位。……封世爲譙王。……尋皆殺之。……初遵之發李城也。謂石閔曰。努力事成。以爾爲儲貳。旣而立衍。斌閔甚失望。自以勳高一時。規專朝政。遵忌而不能任。……稍奪兵權。閔益有恨色。……謀廢遵。使將軍蘇亥周成。率甲士三十執遵。……殺之於琨華殿。……鑿乃僭位。……時石祗在襄國。與姚弋仲、苻洪等通和。連兵檄誅閔。……閔。……廢鑿。殺之。（晉書卷一〇七載記第七石季龍下。）

冉閔殺鑿時。大誅胡羯。胡羯勢力大衰。不能再起。

宣令內外六夷。敢稱兵杖者斬之。胡人或斬關。或踰城而出者。不可勝數。……令城內曰。與官同心者住。不同心者。各任所之。敕城門不復相禁。於是趙人百里內悉入城。胡羯去者填門。閔知胡之不爲己用也。班令內外趙人斬一胡首。送鳳陽門者。文官進位三等。武職悉拜牙門。一日之中。斬首數萬。閔躬率趙人誅諸胡羯。無貴賤男女少長。皆斬之。死者二十餘萬。……屯據四方者。所在承閔書誅之。於時高鼻多鬚。至有濫死者半。（晉書卷一〇七載記第七石季龍下。）

按後趙亡時。北方又陷於混亂。其建號稱國者如下。

冉閔。據鄴稱帝。國號曰魏。

慕容儁。滅冉魏稱帝。國號曰燕。

苻健。據關中稱帝。國號曰秦。

張祚。稱涼州牧。尋稱皇帝。國號曰涼。

按當後趙亡永和六年之前三年永和三年。晉桓溫已滅蜀。涼偏處西隅。魏又滅於燕。北方之地。

爲燕秦所分據。在其角逐之時。人民飽受荼毒。憔悴不堪。

賊盜蜂起。司冀大饑。人相食。自季龍末年。而閔盡散倉庫。以樹私恩。與羌胡相攻。無月不戰。青雍幽荊州徙戶。及諸氏羌胡蠻數百餘萬。各還本土。道路交錯。互相殺掠。且饑疫死亡。其能達者十有二三。諸夏紛亂。無復農者。（晉書卷一〇七載記第七冉閔。）

2) 前秦之強盛

秦主健卒。子生繼立。生荒淫失人心。苻堅廢之而自立。堅勵精圖治。國富兵強。奄有北方之土。亂世之民。承其撫馭。稍得息蘇。亦一時清明景象也。茲分述之於左。

(甲) 武功

備死……立暉……以慕容恪爲太宰。錄尚書。行周公事。慕容評爲太傅。副贊朝政……慕容垂爲河南大都督……晉大司馬桓溫……伐暉……次於枋頭……乃以垂爲使持節南討大都督。慕容德爲征南將軍。率衆五萬距溫……溫頻戰不利。糧運復絕……而退。德率勁騎四千。先溫至襄邑東。伏於澗中。與垂前後夾擊。王師大敗。太和四年。西曆三六九年。……垂既有大功。威德彌振。慕容評素不平之……謀殺垂。垂懼。奔於苻堅。(晉書卷三載記第一一慕容暉)

堅……遣王猛與建威梁成鄧羌率步騎三萬。署慕容垂爲冠軍將軍。以爲鄉導攻暉……太和五年。又遣猛率楊安張蚝鄧羌等十將。率步騎六萬伐暉……楊安攻晉陽。猛攻壺關……進師圍鄴……暉出奔高陽。堅將郭慶執而送之。(晉書卷一一三載記第一三苻堅上)

初仇池氏楊世。以地降於堅。堅署爲平南將軍秦州刺史仇池公。旣而歸順於晉。世死。子纂代立。遂受天子爵命而絕於堅。世弟統。驍武得衆。起兵武都。與纂分爭。堅遣其將苻雅楊安。與益州刺史王統。率步騎七萬。先取仇池。進圍寧舂。雅等次於鷲陝。纂率衆……距。戰於陝中。爲雅等所敗。纂收衆奔還。雅進攻仇池。楊統帥武都之衆降於雅……纂懼。面縛出降……送之長安。(晉書卷一一三載記第一三苻堅上)

晉梁州刺史楊亮。遣子廣襲仇池。與堅將楊安戰。廣敗績。晉阻水諸戍皆委城奔潰。亮懼而退守犛險。安遂進寇漢川。堅遣王統朱彤率卒二萬爲前鋒寇蜀。前禁將軍毛當。鷹揚將軍徐成。率步騎三萬入自劍閣。楊亮率

巴獠萬餘拒之。戰於青谷。王師不利。亮奔固西城。彤乘勝陷漢中。徐成又攻二劍克之。楊安進據梓潼。益州刺史周仲孫。勒兵距彤等於縣竹。聞堅將毛當將至成都。仲孫。奔於南中。安當進兵遂陷益州。於是西南夷。邛。笮。夜。郎。等皆歸之。堅以安。鎮成都。毛當。鎮漢中。王統。鎮仇池。晉書卷一一三載記第一三苻堅上。

天錫。立。自號大將軍。校尉。涼州牧。西平公。太和初。詔以天錫爲大將軍。大都督。督隴右關中諸軍事。護羌校尉。涼州刺史。西平公。太元元年。西曆三苻堅遣其將苟萇。毛當。梁熙。姚萇來寇。渡石城津。天錫率萬人頓金昌城。馬達率萬人逆萇等因請降。兵人散走。常據席。皆戰死。天錫大懼。出城自戰。城內又反。天錫窘逼降於萇等。苻堅以爲尙書。封歸義侯。晉書卷八六張天錫傳。

時匈奴左賢王衛辰。遣使降於堅。遂請田內地。堅許之。匈奴右賢王曹轂。左賢王衛辰。舉兵叛。索虜烏延等亦叛堅而通於辰轂。堅率中外精銳以討之。轂懼而降。進擊烏延斬之。討衛辰擒之。堅既平涼州。又遣苻洛爲北討大都督。討代王涉翼犍。又遣鄧羌等東出和龍。西出上郡。與洛會於涉翼犍庭。翼犍戰敗遁於弱水。苻洛逐之。勢窘迫。退還陰山。其子翼圭縛父請降。洛等振旅而還。晉書卷一一三載記第一三苻堅上。

先是梁熙遣使西域。稱揚堅之威德。并以綵繒賜諸國王。於是朝獻者十有餘國。晉書卷一一三載記第一三苻堅上。

車師前部王彌賓。鄯善王休密馱。朝於堅。……真等請曰。大宛諸國雖通貢獻。然誠節未純。請乞依漢置都護故事。若王師出關。請爲鄉導。堅於是。以驍騎呂光爲持節都督西討諸軍事。(晉書卷一一四載記第一四苻堅下。)

堅旣平山東。士馬強盛。遂有圖西域之志。乃授光使持節。都督西討諸軍事。率將軍姜飛、彭晃、杜進、康盛等。總兵七萬。鐵騎五千以討西域。……至焉耆。其王泥流。率其旁國請降。龜茲王帛純距光。……光攻城旣急。帛純……請救獯胡。獯胡弟訥龍侯將虓。率騎……并引溫宿尉須等國王……以救之。……戰於城西。大敗之。……帛純……走。王侯降者三十餘國。……諸國憚光威名。貢款屬路。……光撫寧西域。威恩甚著。……堅聞光平西域。以爲使持節。……都督玉門已西諸軍事。(晉書卷一二二載記第二二呂光。)

按苻堅恃其強盛。用兵四方。版圖之廣。爲五胡之冠。然因此而驕。致有肥水之敗。以亡其國焉。

(乙) 政治

堅廣修學宮。召郡國學生。通一經以上充之。公卿已下。子孫並遣受業。其有學爲通儒。才堪幹事。清修廉直。孝弟力田者。皆旌表之。於是人思勸勵。號稱多士。盜賊止息。請託路絕。田疇修闢。帑藏充盈。典章法物。靡不悉備。(晉書卷一一三載記第一三苻堅上。)

堅以境內早課。百姓區種。……復魏晉士籍。使役有常。聞諸非正道典學。一皆禁之。……自永嘉之亂。庠序無

開。及堅之僭。頗留心儒學。王猛整齊風俗。政理稱舉。學校漸興。關隴清晏。百姓豐樂。自長安至於諸州。皆夾路樹槐柳。二十里一亭。四十里一驛。旅行者取給於途。工商貿販於道。（晉書卷一一三載記第一三苻堅上。）遣使巡行四方。觀風俗。問政道。明黜陟。恤孤獨。不能自存者。以安車蒲輪徵隱士。……置聽訟觀於未央之南。禁老莊圖讖之學。（晉書卷一一三載記第一三苻堅上。）

堅以關中水旱不時。……發其王侯已下。及豪望富室。僮隸三萬人。開涇水上源。鑿山起堤。通渠引瀆。以溉岡鹵之田。及春而成。百姓賴其利。（晉書卷一一三載記第一三苻堅上。）

（丙）王猛爲相

王猛。字景略。北海劇人也。……瓌姿偉偉。博學好兵書。……隱於華陰山。……桓溫入關。猛被褐而詣之。一面談當世之事。捫虱而言。旁若無人。溫察而異之。……溫之將還。賜猛車馬。拜高官。……請與俱南。……猛乃止。苻堅將有大志。聞猛名。遣呂婆樓招之。一見便若平生。……及堅僭位。……爲丞相。……猛宰政公平。流放尸素。拔幽滯。顯賢才。外修兵革。內崇儒學。勸課農桑。教以廉恥。無罪而不刑。無才而不任。庶績咸熙。百揆時敘。於是兵彊國富。垂及升平。猛之力也。（晉書卷一一四載記第一四王猛。）

猛卒後。堅失良輔。政治事業遂趨於頽敗。

太元元年。西曆三
七六年十二月。陽平國常侍慕容紹。私謂其兄楷曰。秦恃其彊大。務勝不休。北戍雲中。南守蜀漢。轉運萬里。道殣相望。兵疲於外。民困於內。危亡近矣。（資治通鑑卷一〇四晉紀二六。）

二年春。趙故將作功曹熊逸。屢爲秦王堅言石氏宮室器玩之盛。堅以逸爲將作長史。領將作丞。大修舟艦兵器。飾以金銀。頗極精巧。慕容農私言於慕容垂曰。自王猛之死。秦之法制。日以頹靡。今又重之以奢侈。殃將至矣。……大王宜結納英傑。以承天意。時不可失。垂笑曰。天下事。非爾所及。（資治通鑑卷一〇四晉紀二六）

（丁）伐晉之失敗

大元八年。西曆三八三年。遣征南苻融、驃騎張蚝、撫軍苻方、衛軍梁成、平南慕容暉、冠軍慕容垂、率步騎二十五萬爲前鋒。堅發長安戍卒六十餘萬。騎二十七萬。前後千里。旌鼓相望。堅至項城。涼州之兵。始達咸陽。蜀漢之軍。順流而下。幽冀之衆。至於彭城。東西萬里。水陸齊進。……晉遣都督謝石、徐州刺史謝玄、豫州刺史桓伊、輔國謝琰等。水陸七萬。相繼距。……晉龍驤將軍劉牢之率勁卒五千。夜襲梁成壘。克之。斬成。……等十將。……謝石等以旣敗梁成。水陸繼進。堅與苻融登城而望王師。見部陣齊整。將士精銳。又北望八公山上草木。皆類人形。顧謂融曰。此亦勅敵也。何謂少乎。憚然有懼色。……堅遣其尙書朱序說石等。以衆盛欲脅而降之。序詭謂石曰。若秦百萬之衆皆至。則莫可敵也。及其衆軍未集。宜在速戰。若挫其前鋒。可以得志。……時張蚝敗謝石於肥南。謝玄謝琰勒卒數萬。陣以待之。蚝乃退。列陣逼肥水。王師不得渡。遣使謂融曰。君懸軍深入。置陣逼水。此持久之計。豈欲戰者乎。若小退師。令將士周旋。僕與君公緩轡而觀之。不亦美乎。融於是麾軍卻陣。欲因其濟水覆而取之。軍遂奔退。制之不可止。融馳騎略陣。馬倒被殺。軍遂大敗。王師乘勝追擊。至於青岡。死者相枕。堅爲流矢所中。單騎遁還於淮北。……聞風聲鶴唳。皆謂晉師之至。……堅至自淮南。次於長安東之行宮。（晉書

按堅強盛時。對於征服之胡羌鮮卑等族。待遇頗優。往往假以重權。及淮南敗歸。勢力崩潰。異族紛起立國者有六。

慕容垂。據中山。爲後燕。

慕容永。據長子。爲西燕。

姚萇。據長安。爲後秦。

呂光。據姑臧。爲後涼。

乞伏國仁。據隴右。爲西秦。

拓跋珪。據盛樂。爲後魏。

厥後涼州內亂。又分立者三國。

秃髮烏孤。據廉川。爲南涼。

沮渠蒙遜。據張掖。爲北涼。

李暠。據敦煌。爲西涼。

後燕慕容垂攻滅西燕。據有幽冀并三州。又南略青徐兗三州。後秦姚興子瑤攻破洛陽。並有淮漢以北諸部。又破降西秦。攻滅後涼。同稱爲北方大國。

(3) 後秦後燕之對峙

(甲) 後秦之文化

姚興……爲皇太子……及鎮長安。甚有威惠。與其中書舍人梁喜、洗馬范昂等講論經籍。不以兵難廢業。時人咸化之……天水姜龕、東平淳于岐、馮翊郭高等。皆著儒碩德。經明行修。各門徒數百。教授長安。諸生自遠而至者萬數千人。興每於聽政之暇。引龕等於東堂。講論道藝。錯綜名理。涼州胡辯、苻堅之末。東徙洛陽。講授弟子千有餘人。關中後進。多赴之請業。興敕關尉曰。諸生諮訪道藝。修己厲身。往來出入。勿拘常限。於是學者咸勸。儒風盛焉。(晉書卷一一七載記第一七姚興上。)

按姚興好文學。提倡不遺餘力。在混亂時期中。不可多覩者也。

興如逍遙園。引諸沙門於澄玄堂。聽鳩摩羅什演說佛經。羅什通辯夏言。尋覽舊經。多有乖謬。不與胡本相應。興與羅什及沙門僧略。遷道樹僧叡。道坦僧肇。曇順等八百餘人。更出大品。羅什持胡本。興執舊經。以相考校。其新文異舊者。皆會於理義。續出諸經。并諸論三百餘卷。今之新經。皆羅什所譯。興既託意於佛道。公卿已下。莫不欽附。沙門自遠而至者五千餘人。起浮圖於永貴里。立波若臺於中宮。沙門坐禪者。恆有千數。始郡化

之事佛者十室而九矣。（晉書卷一一七載記第一七姚興上。）

鳩摩羅什。天竺人也。……父鳩摩羅炎。……東度葱嶺。龜茲王聞其名。郊迎之。請爲國師。王有妹。……乃逼以妻焉。……羅什。……專以大乘爲化。諸學者皆共師焉。……呂光。……伐龜茲。……破之。乃獲羅什。……姚興遣姚頌德西伐。破呂隆。乃迎羅什。待以國師之禮。仍使入西明閣及逍遙園。譯出衆經。羅什多所暗誦。無不究其義旨。既覽舊經。多有紕繆。於是興使沙門僧叡僧肇等八百餘人。傳受其旨。更出經論凡三百餘卷。……興奉之若神。嘗講經於草堂寺。興及朝臣大德沙門千有餘人。肅容觀聽。（晉書卷九五鳩摩羅什傳。）

按佛學之昌明於北方。興實開其端。其訂譯佛經。尤於佛學上有盛大之供獻。

（乙）後燕伐魏之役

此役爲魏氏興起之關鍵。故特舉之。

垂……遣其太子寶及農。與慕容麟等率衆八萬伐魏。慕容德慕容紹以步騎一萬八千爲寶後繼。魏聞寶將至。徙往河西。寶進師臨河。懼不敢濟。還次參合。山西大同縣……魏師大至。三軍奔潰。寶與德等數千騎奔免。士衆還者十一二。紹死之。……垂……自率大衆出參合。鑿山開道。次於獵嶺。……垂至參合。見往年戰處。積骸如山。設弔祭之禮。死者父兄。一時號哭。軍中皆慟。垂慚憤歔血。因而寢疾。……過平城。……築燕昌城而還。（晉書卷一二三載記第二三慕容垂。）

皇始元年。晉太元二一年。西曆三九六年。三月。慕容垂寇桑乾川。……遂至平城西北。聞帝將至。乃築城自守。疾甚。遂遁死。

於上谷。(北史卷一道武帝紀)

魏自戰勝後燕。乘勢侵略。得地益廣。國力益強。後燕分裂。後秦亦衰落不振。於是繼起稱國者有三。

馮跋。篡後燕自立。據和龍。爲北燕。

慕容德。據廣固。爲南燕。

赫連勃勃。叛後秦。據統萬。爲夏國。

當後秦爲魏夏所逼時。乞伏乾歸復背秦稱王。仍爲西秦。其子熾磐攻滅南涼。北涼沮渠蒙遜滅西涼。遂據有全涼之地。劉裕滅南燕。又遣將平定蜀譙縱。又北伐入關滅後秦。夏爲魏所逼。戰敗西奔。襲滅西秦。旋亡於吐谷渾。魏滅北燕。破北涼。遂統一北方。劉裕已篡晉稱宋。割據江左。於是五胡紛擾之局面告終。而南北對峙之局面開始矣。

(4) 漢族之恢復事業

自中原淪沒後。晉室每因北方發生變亂。乘機出師圖恢復。然「政出多門。權去公家。」
章華對姚興語。見權臣欲樹威望。壟斷政權。輒假北伐爲名。是以多無功也。茲敘當

事主要人物於左。

(甲) 祖逖

祖逖。字士稚。范陽道人也。……時帝^元方拓定江南。未遑北伐。逖進說曰。……帝乃以逖爲奮威將軍豫州刺史。給千人廩。布三千匹。不給鎧仗。使自招募。仍將本流徙部曲百餘家。……屯於江陰。起冶鑄兵器。得二千餘人而後進。……尅譙城。……由是黃河以南盡爲晉土。……詔進逖爲鎮西將軍。石勒不敢窺兵河南。……方當推鋒越河。掃清冀朔。會朝廷將遣戴若思爲都督。……意甚快快。且聞王敦與劉隗等構隙。慮有內難。大功不遂。感激發病。……卒於雍丘。……以逖弟約代領其衆。(晉書卷六二祖逖傳。)

於是冀并幽州。遼西巴西諸屯結皆陷於勒。時晉征北將軍祖逖據譙。將平中原。逖善於撫納。自河以南。多背勒歸順。勒憚之不敢爲寇。……自是兗豫又安。人得休息矣。(晉書卷一〇五載記第五石勒下。)

石堪攻晉豫州。刺史祖約於壽春屯師淮上。……祖約諸將佐。皆陰遣使附於勒。石聰與堪濟淮。陷壽春。祖約奔歷陽。壽春百姓陷於聰者二萬餘戶。(晉書卷一〇五載記第五石勒下。)

按是時劉曜石勒對抗。故祖逖能恢復河南諸郡。

(乙) 庾亮

時石勒新死。亮有開復中原之謀。乃解豫州。授輔國將軍毛寶。使與西陽太守樊峻精兵一萬。俱戍邾城。又以

陶稱爲南中郎將江夏相。率部曲五千人入沔中。亮弟翼爲南蠻校尉南郡太守鎮江陵。以武昌太守陳曺爲輔國將軍梁州刺史趣子午。又遣偏軍伐蜀至江陽。……亮當率大衆十萬據石頭城。爲諸軍聲援。乃上疏曰。蜀胡二寇。凶虐滋甚。內相誅鋤。衆叛親離。……襄陽北接宛許。南阻漢水。其險足固。其土足食。臣宜移鎮襄陽之石城下。并遣諸軍羅布江沔。……乘豐齊進。以臨河洛。……亮又上疏。便欲遷鎮。會寇陷邾城。毛寶赴水而死。……亮自邾城陷沒。憂慨發疾。……咸康六年薨。西曆三〇〇年（晉書卷七三庾亮傳）

季龍……以其太子宜爲大單于。建天子旌旗。以夔安爲征討大都督。統五將末騎七萬。寇荆揚北鄙。石閔敗王師於沔陰。將軍蔡懷死之。宣將朱保。又敗王師於白石。將軍鄭豹。談玄。郝莊。隨相。蔡熊皆遇害。季龍將張賀度攻陷邾城。敗晉將毛寶於邾西。死者萬餘人。夔安進據胡亭。晉將軍黃冲。歷陽太守鄭進。皆降之。安於是掠七萬戶而還。（晉書卷一〇六載記第六石季龍上）

亮卒。授都督江。荆。司。雍。梁。益六州諸軍事。……假節。代亮鎮武昌。……翼每竭志能。勞謙匪懈。戎政嚴明。經略深遠。……遣使東至遼東。西到涼州。要結二方。欲同大舉。慕容皝張駿並報使請期。翼雅有大志。欲以滅胡平蜀爲己任。……康帝卽位。翼欲率衆北伐。……翼時有衆四萬。詔加都督征討軍事。師次襄陽。大會僚佐。……康帝崩。兄冰卒。以家國情事。……還鎮夏口。（晉書卷七三庾翼傳）

按石季龍時正盛強。故庾亮出兵挫敗。

（丙）殷浩

石季龍死。胡中大亂。朝廷遂欲蕩平關河。於是以浩爲中軍將軍。假節都督揚、豫、兗、青五州軍事。浩既受命。以中原爲己任。上疏北征許洛。……師次壽陽。潛誘苻健大臣梁安、雷弱兒等使殺健。許以關右之任。初降人魏脫卒。其弟憬代領部曲。姚襄殺憬以并其衆。浩大惡之。使龍驤將軍劉啓守譙。遷襄於梁。旣而魏氏子弟往來壽陽。襄猜懼。俄而襄部曲有欲歸浩者。襄殺之。浩於是謀誅襄。會苻健殺其大臣健、兄子眉。自洛陽西奔。浩以爲梁安事捷。意苻健已死。請進屯洛陽。……使襄爲前驅。冠軍將軍劉洽鎮鹿臺。建武將軍劉遯據倉垣。……浩旣至許昌。會張遇反。謝尙又敗績。浩還壽陽。後復進軍次山桑。而襄反。浩懼棄輜重。退保譙城。器械軍儲皆爲襄所掠。士卒多亡叛。浩遣劉啓、王彬之擊襄於山桑。並爲襄所殺。永和九年。西曆三五三年。桓溫素忌浩。及聞其敗。上疏罪浩。……坐廢爲庶人。（晉書卷七七殷浩傳。）

襄……弋仲之第五子也。……晉遣使拜襄持節平北將軍、并州刺史、卽丘縣公。……晉處襄於譙城。河南夏邑縣……襄少有高名。雄武冠世。……殷浩憚其威名。乃因襄諸弟。頻遣刺客殺襄。刺客皆推誠告實。……浩潛遣將軍魏憬率五千餘人襲襄。襄乃斬憬而并其衆。浩愈惡之。乃使將軍劉啓守譙。遷襄於梁國。……聞關中有變。浩率衆北伐。襄乃要擊浩於山桑。大敗之。……收其資仗。……浩遣劉啓、王彬之伐山桑。襄自淮南擊滅之。鼓行濟淮。屯於盱眙。招掠流人。衆至七萬。……朝廷大震。……襄將佐部衆皆北人。咸勸襄北還。……乃據許昌。（晉書卷一一六載記第一六姚襄。）

健……遣雄菁健姪率衆略關東。并援石季龍豫州刺史張遇於許昌。與晉鎮西將軍謝尙戰於潁水之上。王師

敗績。雄乘勝逐北至於壘門。殺傷大半。遂虜遇及其衆歸於長安。（晉書卷一一二載記第一二苻健。）

（丁）桓溫

永和十年。西曆三五四年。二月。溫遂統步騎四萬發江陵。水軍自襄陽入均口。至南鄉。步自浙川以征關中。……進至

霸上。健以五千人深溝自固。居人皆安堵復業。持牛酒迎溫於路者十八九。耆老感泣曰。不圖今日復見官軍。

初溫特麥熟取以爲軍資。而健芟苗清野。軍糧不屬。收三千餘口而還。（晉書卷九八桓溫傳。）

永和十二年。西曆三五六年。三月。姚襄入於許昌。以太尉桓溫爲征討大都督討之。八月。桓溫及姚襄戰於伊水。大敗

之。襄走平陽。徙其餘衆三千餘家於江漢之間。……而歸。使……河南太守戴施鎮洛陽。（晉書卷八穆帝紀。）

太和四年。西曆三六九年。又上疏悉衆北伐。……以溫領平北將軍徐兗二州刺史。率……步騎五萬北伐。……軍次

胡陸。攻慕容暉將慕容忠獲之。進次金鄉。時亢旱。水道不通。乃鑿鉅野三百餘里以通舟運。自清水入河。暉將

慕容垂傅末波等。率衆八萬距溫。戰於林渚。溫擊破之。遂至枋頭。……軍糧竭盡。溫焚舟步退自東燕。……垂

以八千騎追之。戰於襄邑。溫軍敗績。（晉書卷九八桓溫傳。）

（戊）劉裕

義熙五年。西曆四〇九年。二月。僞燕燕南主慕容超大掠淮北。三月。帝抗表北討。……乃浮淮入泗。……六月。超留羸老

守廣固。……悉力據臨朐。……比及臨朐。賊騎交至。……帝……襲尅臨朐。賊乃大奔。超遁還廣固。……六年

二月。屠廣固。超踰城走。追獲之。斬於建康市。……班師。（南史卷一宋武帝紀。）

義熙八年。西曆四一二年。以西陵太守朱齡石……帥師伐蜀……九年七月。朱齡石克成都。斬譙蹤。益州平。

（晉書卷一〇安帝紀）

十二年。西曆四一六年。三月……初帝平齊。仍有定關洛意……會姚興死。子泓新立。兄弟相殺。關中擾亂。四月。帝表伐關洛……八月。率大衆進發……十月。衆軍至洛。圍金墉。降之……十三年。二月。冠軍將軍檀道濟等。軍次潼關。三月。帝率大軍入河。五月。帝至洛陽……七月。至陝。龍驤將軍王鎮惡。舟師自河浮渭。八月。扶風太守沈田子。大破姚泓軍於藍田。王鎮惡尅長安。禽姚泓……帝欲息駕長安。經略趙魏……前將軍劉穆之卒。裕謀主。留鎮建業。乃歸……以桂陽公義真裕子爲雍州刺史。鎮長安。留腹心將佐以輔之……安西中兵參軍沈田子。殺安西司馬王鎮惡。諸將殺安西長史王修。關中亂。（南史卷一宋武帝紀）

裕留子義真鎮長安而還。勃勃聞之大悅。謂王買德曰。朕將進圖長安。卿試言取之方略。買德曰。劉裕滅秦。所謂以亂平亂。未有德政以濟蒼生。關中形勝之地。而以弱才小兒守之。非經遠之規也。狼狽而返者。欲速成篡事耳。無暇有意於中原……青泥上洛。南師之衝要。宜置遊兵。斷其去來之路。然後杜潼關。塞嶠陝。絕其水陸之道。陛下聲檄長安……義真獨坐空城……不戰而自定也。勃勃善之。以子瓚……率騎二萬南伐長安……勃勃率大軍繼發。瓚至渭陽……義真遣龍驤將軍沈田子率衆逆戰。不利而退……田子與義真司馬王鎮惡不平。因鎮惡出城遂殺之。義真又殺田子。於是悉召外軍入於城中。閉門距守……劉裕聞之大懼。乃召義真東鎮洛陽。以朱齡石爲雍州刺史守長安。義真大掠而東。至於灊上。百姓遂逐齡石。而迎勃勃入於長

安。瓚率衆三萬追擊義真。王師敗績。義真單馬而遁。（晉書卷一三〇載記第三〇赫連勃勃。）

南北朝世系

自南宋文帝元嘉十六年。西曆三九四年魏統一北方。至隋文帝開皇九年。西曆五八九年滅陳統一止。共一百五十一年。

南朝

宋 自劉裕代晉。西曆四〇四年至順帝禪於齊。西曆四七九年凡八傳。共六十年。

高祖武皇帝。姓劉。名裕。字德輿。彭城綏輿里人。勇健有大志。僅識文字。以賣履爲業。好

擣菹。爲鄉閭所賤。劉牢之擊孫恩。倡妖人亂引裕參軍事。以功爲下邳太守。後討平桓玄。遂

執朝政。平後秦歸。進爵宋王。旋受晉禪。卽皇帝位。國號宋。改元永初。三年在位凡三年。

少帝。名義符。武帝長子。嗣立。改元景平。一年帝與宰相徐羨之、傅亮、謝晦等有隙。爲羨之

等所廢。尋弒之。在位凡一年。

太祖文皇帝。名義隆。武帝第三子。封宜都王。少帝廢。大臣迎立之。改元元嘉。三十一年帝即位後。討羨之。亮。晦。均。誅之。躬勤政事。孜孜無怠。政平訟理。自江左之政。所未有也。太子劭無道。欲廢之。劭乃弑帝。在位凡三十年。

世祖孝武皇帝。名駿。文帝第三子。封武陵王。誅劭繼立。改元孝建。三年大明。八年帝疏忌宗室。削弱其權。多所剪除。大臣亦有遭殺戮者。在位凡十一年。

前廢帝。名子業。孝武帝長子。嗣立。改元永光。景和。帝荒淫無度。而刻薄與孝武相同。舊臣多被誅戮。湘東王劉彧。備為帝幽辱苦密結帝左右壽寂之等弑之。在位凡一年。

太宗明皇帝。名彧。文帝第十一子。封湘東王。廢帝遇弑。繼立。改元泰始。七年泰豫。一年初廢帝欲殺江州刺史晉安王子勳。孝武子長史鄧琬。奉之起兵。帝卽位。諭罷兵。不聽。稱帝於

尋陽。是時四方貢計。並詣尋陽。朝廷所保。惟丹陽淮南等數郡而已。旋命沈攸之等討平之。於是益忌孝武子孫。誅殺殆盡。帝末年。大事營建。軍旅不息。府藏空虛。天下騷然。民不堪命。宋業遂衰。在位凡八年。


後廢帝。名昱。明帝太子。嗣立。改元元徽。四年帝荒淫過於前廢帝。左右陽玉夫弑之。在位

凡四年。

順皇帝名準。明帝第三子。封安成王。廢帝殞。蕭道成奉太后命立之。改元昇明。三年在位凡三年。禪於齊。尋遇害。宋亡。

(以上據通考帝系考及宋書紀傳。)

附帝系表



齊 自蕭道成代宋。西曆四七九年至和帝禪於梁。西曆五〇二年凡七傳。共二十四年。

太祖高皇帝。姓蕭。名道成。字紹伯。東海蘭陵人。父承之仕宋。至南泰山太守。承之爲宋將。數與北方相攻戰。道成以將門子。亦屢與征討。宋明帝之世。漸見信用。及平桂陽王

休範之亂。休範文帝子。明帝卒。後廢帝立。休範爲江州刺史舉兵反。襲建康。道成討平之。威望始隆。蒼梧王後廢帝遇害。

迎立順帝。進封齊王。後廢順帝自立。國號齊。建元。建元。年四在位凡四年。

世祖武皇帝。名蹟。高帝長子。嗣立。改元永明。年十一帝從高帝同起艱難。留心政治。永明

之政。比元嘉焉。在位凡十一年。

廢帝鬱林王。名昭業。武帝長孫。嗣立。改元隆昌。爲西昌侯。蕭鸞所弑。在位凡一年。

廢帝海陵恭王。名昭文。文惠太子長懋。武帝子第二子也。蕭鸞奉之繼立。改元延興。尋復

廢之。在位凡四月。

高宗明皇帝。名鸞。高帝兄子也。既廢二王。繼立。改元建武。年四永泰。年一帝殺高武子孫無

遺。蕭氏遂衰。在位凡五年。

廢帝東昏侯。名寶卷。明帝第二子。嗣立。改元永元。年三淫昏嗜殺。爲南朝諸帝之最。帝殺

尙書令蕭懿。其弟衍爲雍州刺史起兵反。率衆東下。敗帝軍。圍建康。帝爲新除雍州刺


史王珍國。侍中張稷等所害。在位凡三年。

和帝。名寶融。明帝第八子。封南康王。出爲荊州刺史。蕭衍反。奉爲帝。東昏侯既被殺。卽

帝位。改元中興。一在位凡一年。禪於梁。齊亡。

(以上據通考帝系考。參以南齊書紀傳。)

附帝系表



梁 自蕭衍代齊。西曆五〇二年至敬帝禪於陳。西曆五七七年凡四傳。共五十六年。

高祖武皇帝。姓蕭。名衍。字叔達。南蘭陵中都里人。齊之同族也。齊明帝時。為雍州刺史。鎮襄陽。知齊將亂。潛造器械。密為之備。及兄懿被殺。遂起兵。入建康。立和帝。獨攬政權。進爵梁王。尋廢和帝自立。國號梁。建元天監。十八年普通。七年大通。二年中大通。六年大同。十一年中大同。三年太清。三年帝勤政事。尚文學。境內稱治。晚年好佛。三次舍身同泰寺。由是政刑

不立。百度廢弛。又納東魏將侯景。終爲景所制。憂憤而死。在位凡四十八年。

太宗簡文皇帝。名綱。武帝第三子。昭明太子薨。立爲太子。嗣立。改元大寶。年二受制於侯

景。復爲所弒。在位凡二年。

世祖孝元皇帝。名繹。武帝第七子。封湘東王。爲荊州刺史。鎮江陵。侯景篡立。乃遣陳霸

先王僧辯分道討誅景。卽帝位。都江陵。改元承聖。年三西魏攻之。城陷遇害。在位凡三年。

敬皇帝。名方智。元帝第九子。封晉安王。魏克江陵。陳霸先王僧辯等迎之。至建康。以太

宰承制。尋卽帝位。改元紹泰。年一太平。年二在位凡三年。禪於陳。梁亡。

後梁。自蕭詧建國。梁敬帝紹泰元年。西曆五五五年。至後主滅於隋。陳後主禛明元年。西曆五八七年。凡三傳。共三

十三年。

中宗宣皇帝。名詵。武帝孫也。大通時。封岳陽王。爲雍州刺史。鎮襄陽。侯景執政時。與湘

東王繹帝元相攻。戰敗降於西魏。及敬帝立。魏亦立詵於江陵。使稱帝。以兵守之。爲北朝

之附庸。改元大定。年七在位凡七年。

世宗明皇帝。名巋。宣帝第三子。嗣立。改元天保。年四在位凡二十四年。

難。知民疾苦。明察儉約。尤勤政事。爲陳之令主。在位凡七年。

廢帝。名伯宗。文帝長子。嗣立。改元光大。年二爲安成王。瑒所廢。在位凡二年。

高宗宣皇帝。名頊。文帝之弟。繼立。改元太建。年十四在位凡十四年。


後主。名叔寶。宣帝太子。嗣立。改元至德。年四禎明。年三帝荒淫無度。興土木。寵女色。尙浮華。

長於文學而輕武士。將帥有過。輒奪其兵。配以文吏。於是臣民解體。國勢益衰。隋文帝

開皇九年。遣兵伐陳。入建康。擒叔寶。在位凡七年。陳亡。

(以上據通考帝系考及以陳書紀傳)

附帝系表



北朝

爾晉及南北朝 南北朝世系

魏既奄有北方。當宋一代。爲其最強盛之時。至齊稍衰。至梁而分爲東魏西魏。東魏篡於齊。西魏篡於周。周又滅齊。而篡於隋。隋再滅後梁及陳。始結南北對峙之局。中國始復歸於一。以成秦漢以後第二回之大一統局面。

魏 自拓跋珪改稱魏王。晉孝武帝太元十一年。西曆三八六年。至恭帝禪於周。西曆五五六年。凡十七傳。共一

百七十一年。

太祖道武皇帝。姓拓跋。名珪。其先世爲代北鮮卑君長。秦苻堅自淮南敗歸。國中大亂。

珪稱代王。旋改稱魏王。建元登國。十年。始二年。取燕稱帝。國號魏。改元天興。六年。天賜五年。帝

晚年嗜殺。朝野危懼。其子清河王紹弒之。在位凡二十三年。

太宗明元皇帝。名嗣。道武帝長子。封齊王。誅紹繼立。改元永興。五年。神瑞二年。泰常八年。在位

凡十五年。

世祖太武皇帝。名燾。明元帝長子。嗣立。改元始光。四年。神麤四年。延和三年。太延五年。太平真君

十一年。正平。二年。帝時擊破夏國。滅北燕北涼。統一北方。晚年以太子晃監國。爲宦官宗愛

所構以憂卒。後悟其無罪。追悼不已。宗愛懼。弒之。在位凡二十九年。

高宗文成皇帝。名濬。太武帝嫡孫。宗愛弑太武帝。立南安王余。余謀奪愛權。愛怒。又弑之。帝繼立。改元興安。二年興光。一年太安。五年和平。六年在位凡十四年。

顯祖獻文皇帝。名弘。文成帝長子。嗣立。改元天安。一年皇興。四年帝慕黃老浮屠之學。有遺世之志。傳位於太子。自稱太上皇。在位凡五年。

高祖孝文皇帝。名宏。獻文帝太子。嗣立。宋明帝泰始七年西曆四七一年。改元延興。五年承明。一年太和。十二年

三年帝遷都洛陽。改姓元氏。爲魏之令主。在位凡二十九年。

世宗宣武皇帝。名恪。孝文帝第二子。嗣立。改元景明。四年正始。四年永平。四年延昌。四年在位凡十六年。

肅宗孝明皇帝。名詡。宣武帝第二子。嗣立。改元熙平。二年神龜。二年正光。五年孝昌。三年武泰。一年爲母胡太后所殺。在位凡十三年。

敬宗孝莊皇帝。名子攸。獻文帝孫。彭城王勰第二子。封長樂王。明帝殂。爾朱榮立之。改元永安。三年帝誅爾朱榮。爲爾朱兆所殺。在位凡三年。

長廣王曄。獻文帝孫。咸陽王禧子。孝莊帝殺爾朱榮。爾朱兆反。據晉陽。奉曄爲帝。改元

建明。年一及兆入洛陽。執孝莊帝。挾還晉陽縊殺之。又以曄疏遠無人望廢之。在位凡一

節閔帝。廢帝前名恭。獻文帝孫。廣陵王羽子。爾朱兆等廢曄。遂立恭。改元普泰。年一爾朱

氏敗。為高歡所殺。在位凡一年。

後廢帝。名朗。太武帝子晃玄孫。章武王融第三子。為渤海太守。高歡起兵討爾朱氏。乃

推戴之立於信都。改元中興。年一歡既得志。殺節閔帝。帝亦被害。在位凡一年。兩廢帝同時並立

孝武皇帝。名修。孝文帝孫。廣平王懷之第三子。封平陽王。高歡迎立之。梁武帝中大通五年。西曆五

年三改元太昌。永興。永熙。年三帝欲圖歡不勝。奔於宇文泰。於是魏分東西。中大通六年。西曆五

年四帝尋為泰所殺。在位凡三年。

東魏

孝靜皇帝。名善見。孝文帝之玄孫。河清王亶之世子。孝武既入關。高歡奉立為帝。改元

天平。年四元象。年一和興。年四武定。年八在位凡十七年。禪位於齊。高東魏亡。


西魏

文皇帝名寶炬。孝文帝之孫。京兆王愉之子。封南陽王。孝武被害。宇文泰立之。改元大統。^{十七}在位凡十七年。

廢帝名欽。文帝長子。嗣立。不建年號。在位凡二年。爲宇文泰所廢。尋弒之。恭皇帝名廓。文帝第四子。嗣立。在位凡三年。禪位於周。^{覺宇文}西魏亡。

(以上據通考帝系考及魏書紀傳)

附帝系表



齊 自高洋代東魏。梁簡文帝大寶元年。西曆五五〇年。至幼主滅於周。陳宣帝太建九年。西曆五七七年。凡六傳。共

二十八年。

顯祖文宣皇帝。姓高。名洋。字子進。渤海蓼人。高歡之次子。受東魏禪。國號齊。建元天保。十年。帝初得國。頗能治其軍民。後嗜酒昏狂。濫殺無辜。凡所作爲。如有心疾。在位凡十年。

廢帝。名殷。文宣太子。嗣立。改元乾明。年一。爲常山王高演所弑。在位凡一年。

孝昭皇帝。名演。高歡第六子。殺殷繼立。改元皇建。年一。在位凡一年。

世祖武成皇帝。名湛。高歡第九子。繼立。改元太寧。年一。河清。年四。太荒怠無道。齊政始亂。後

禪位於太子。稱太上皇。在位凡五年。

後主。名緯。武成帝長子。嗣立。改元天統。年五。武平。年六。隆化。年一。爲周兵所逼。傳位於太子恆。


自稱太上皇。在位凡十二年。

幼主。名恆。後主之長子。嗣立。改元承光。年一。周師破鄴。後主與帝俱亡走。爲周所獲。在位

凡一年。齊亡。

(以上據通考帝系考及北齊書紀傳)

附帝系表



周 自宇文覺代西魏。梁敬帝太平元年西曆五五六年至靜帝禪於隋。陳宣帝太建十三年西曆五八一年凡五傳。共二十六年。

孝閔帝。姓宇文。名覺。代郡武川鮮卑人。宇文泰之第三子。受西魏禪。國號周。不改元。晉

公護秦專政。帝欲除之。反為所害。在位凡一年。

世宗明皇帝。名毓。泰之長子。護廢殺孝閔帝。迎而立之。改元武定。二年武成。二年復為護所

殺。在位凡四年。

高祖武皇帝。名邕。泰之第四子。繼立。改元保定。五年天和。六年建德。六年宣政。一年帝立之十二

年。建德元年西曆五七二年誅護。始親政。帝沈毅有智謀。尅己勵精。聽覽不倦。用法嚴整。羣下畏

服。至於征伐之處。躬在行陣。滅北齊。統一北方。在位凡十九年。

宣皇帝。名贇。武帝長子。嗣立。改元大帝。年一帝淫荒無度。周政遂衰。帝棄位於太子闡。稱

天元皇帝。在位凡一年。

靜帝。名闡。宣帝長子。嗣立。改元大象。年二大定。年一初宣帝立隋公楊堅之女為后。堅之。楊


封。忠初從字文泰入關。以功及殂。靜帝年幼。內史上大夫鄭譯等。矯詔引堅輔政。堅

隋公。賜姓普六茹氏。大殺周宗室。盡握朝權。相州總管尉遲迥。鄭州總管司馬消難。益州總管王謙等。起兵

討堅。皆為堅所敗。帝禪位於隋。堅楊在位凡三年。周亡。

(以上據通考帝系考及周書紀傳)

附帝系表



(一) 南北朝之疆域

(南朝)

都建業。

自夷狄亂華。司、冀、幽、青、并、兗、豫、幽、平諸州。一時淪沒。……江左又分荆爲湘。或離或合。凡有揚、荆、湘、江、梁、益、寧、交、廣。其徐州則有過半。豫州唯得譙城而已。及至宋世。分揚州爲南徐。徐州爲南兗。揚州之江西悉屬豫州。分荆爲湘。分荆爲郢。分荆爲司。分廣爲越。分青爲冀。分梁爲南北秦。太宗初。索虜南侵。青、冀、徐、兗及豫州。淮、西。並皆不守。自淮以北。化成虜庭。於是於鍾離置徐州。淮陰爲北兗。而青、冀二州治贛、榆之縣。(宋書卷三五州郡志序)

宋武北平廣固。

燕滅南

西定梁益。

蜀滅後

又尅長安。

秦滅後

盡得河南之地。長安尋爲赫連勃勃所陷。至廢帝。滎陽王

景平中。虎牢以西。復陷於後魏。今大較以孝武大明爲正。凡二十有二州。揚治建業。南徐治京口。徐治彭城。南兗治廣陵。兗治瑕。南荆河治歷陽。荆河治汝南。江治潯陽。青治臨淄。冀治歷城。司治義陽。荆治南郡。郢治江夏。湘治臨湘。雍治襄陽。梁治南鄭。秦亦治南鄭。益治成都。寧治建寧。廣治南海。交治龍編。越治臨鄞。郡凡二百三十有八。縣千一百七十有九。初文帝元嘉中。遣將北伐。水軍入河。尅魏碣。山東阿滑臺。虎牢。洛陽四城。其後

又失。又分軍北伐。西軍尅弘農開方二城。以東攻滑臺不尅。而平礪礪守之。尋皆敗退。於是後魏主太武總師經彭城。臨江屯於瓜步。江蘇儀徵縣南。退攻盱眙。不拔而旋。明帝時。後魏又南侵。淮北、青、冀、徐、兗四州。及荊河州西境悉陷沒。則長淮爲北境。僑徐兗於淮南。注。淮陰立兗州。離立徐州。立青冀二州。寄治贛榆。其後十餘年。而宋亡。然初強盛也。南鄭、襄陽、懸瓠、河南汝南縣、彭城、歷城、東陽。皆爲宋氏藩捍。（通典卷一七一州郡一）

齊 都建業。

齊氏淮北之地。所以至少。青州治朐山。冀治渦口。荊河治壽春。北兗治淮陰。北徐治鍾離。安徽鳳陽縣。又置巴東治巴。其餘州郡。悉因宋代。州二十有三。郡三百九十有五。縣千四百七十有四。其後頗爲後魏所侵。至東昏永元初。河北諸郡。相繼敗沒。又遣軍北伐。敗於馬圈。退屯益城。又失壽春。注永元二年。荊河州刺史裴叔業。以城叛入魏。後三年齊亡。始全盛也。南鄭、樊城、襄陽、義陽、壽春、淮陽、角城、漣口、朐山。江蘇東海縣。爲重鎮。（通典卷一七一州郡一）

梁 都建業。侯景亂後。元帝都江陵。魏人滅之。敬帝復都建業。

梁氏州郡。多沿舊制。天監中。州二十有三。郡三百五十。縣千二十有五。其後更有析置。大同中。州百有七。郡縣亦稱於此。自侯景逆亂。建康傾陷。墳籍散逸。不可得而詳焉。初武帝受禪數年。卽失漢川及淮西之地。注。三年。天監三年。

。梁州刺史夏侯道遷。以本部叛降後魏。自劍閣以其後諸將頻年與魏軍交戰於淮南淮北。互有勝負。北並陷沒。又魏將元英破將軍馬仙埤於義陽失地。

……中大通初。大舉北伐。淮北城鎮相次尅平。直至洛陽。暫爲梁有。其後又復漢中。至東魏將侯景以河南地降。逆亂相尋。有名無實。及景平後。江北之地。悉陷高齊。漢川蜀川。及於西魏。大抵雍州。下澆戍。夏口。白苟堆。硤

石城、合州、鍾離、淮陰、朐山爲重鎮。（通典卷一七一州郡一）

陳 都建業。

陳氏比於梁代。土宇彌蹙。西不得蜀漢。北失淮肥。以長江爲境。有州四十有二。郡百有九。縣四百三十有八。宣帝大建中。頻年北伐。諸將累捷。盡復淮南之地。更經略淮北。大破齊軍於呂梁。及旋師。屬高齊國亡。又總軍北伐。至呂梁。周軍來拒。又大破之。旋爲周軍所敗。悉虜其衆。自是江北之地。盡沒於周。又以長江爲界。及隋軍來伐。遣將守狼尾灘、荊門、安蜀城、公安、巴陵以下。並風靡退敗。隋軍自采石注。隋將韓擒虎襲陷之。京口注。賀若弼襲陷之。渡江而平之。（通典卷一七一州郡一）

(2) 北朝

魏 初都平陽。孝文帝遷洛陽。

後魏起自北方。至道武率兵下山東。攻拔慕容寶後燕中山。遂有河北之地。於是遷都平城。慕容氏喪敗。遣將南略地。至於滑臺、許昌、彭城。明元帝泰常中。始於滑臺、許昌置兵鎮守。太武帝時。又得蒲阪、長安、統萬、破夏神廳中。宋師來伐。碣磳、滑臺、虎牢。戍將皆不守。尋並復之。太延以後。東平遼東。滅北燕西平姑臧。滅北涼於是西至流沙。東接高麗。所未得者。漢中及南陽、懸瓠、彭城、青州之南而已。其後帝自南征。遂臨瓜步。宋淮北城鎮。守將多有敗沒。獻文天安初。自河之南。長淮之北。皆爲魏有。孝文遷都洛陽。頻歲親征。皆渡淮沔。宣武初。又得壽春。續收漢川。至於劍閣。兼得淮西之地。莊帝時。梁軍洛陽。數旬敗走。爾後內難相繼。不暇外略。三四年後。分爲東西魏矣。

皆權臣擅命。自永安末年。爾朱世隆稱兵入洛。圖籍散亡。不可詳記。今按舊史。管州百十有一。郡五百十有九。縣千三百五十有二。自太武以後。漸更強盛。東征西伐。尅定中原。屬宋明以後。及於齊梁。國土漸蹙。自守不暇。雖時有侵掠。而退不旋踵。故魏之城鎮。少被攻圍。因利進取。不常所守也。（通典卷一七一州郡一）

齊 都鄴。

北齊神武。東魏天平末。大舉西伐。至蒲津。西魏乘勝攻陷陝州。神武西至沙苑。西軍又勝襲陷洛陽。明年。西師又至於河陰。時拒守河陽城。西師敗歸。其後神武攻圍西魏玉壁不尅。西師來伐。至於邙山。後神武又圍玉壁不尅。文襄遣將圍潁川。拔之。於是河南自洛陽之西。河北自晉州之西。悉入西魏。文宣之代。命將略地。南際於江矣。武成河清中。築戍於軹關。其年。周軍至洛陽。敗還。後主武平中。陳軍來侵。盡失淮南之地。周師攻拔河陰大城。後主隆化末。西師攻拔晉州。因之國滅。自東西魏之後。天下三分。梁陳有江東。宇文有關西。高氏據河北。有州九十有七。郡百六十。縣三百六十有五。讀史方輿紀要注。後周書。周齊得州五十。郡一。營齊神武之時。與周文帝抗敵。十三四年間。凡四出師大舉西伐。周師東討者三焉。自文宣之後。纔守境而已。大抵西則姚襄城。洪洞。晉州。武平關。柏崖。軹關。河陽。南則虎牢。洛陽。北荊州。孔城防。汝南郡。魯城。置兵以防周寇。及陳師侵軼。數歲齊亡。南境要害。未遑制置也。（通典卷一七一州郡一）

周 都長安。

周文帝。西魏大統中。東魏師至蒲津。文帝東征。尅陝州。兼得宜陽郡。東師又至沙苑。後文帝東征。至河陰。

先勝後敗。築城於玉壁。文帝又至邙山。先勝後敗。得梁雍州。廢帝初。尅平漢中。又遣軍平蜀。文帝西征至姑臧。後又平江陵。自是疆理西有姑臧。西南有全蜀。南至於江矣。其河南自洛陽之東之北。河東自平陽之界。屬於高齊。至武帝建德中。東征拔齊晉州城。尋又東征。破齊師於晉州城下。乘勝平齊。後遣軍破陳軍於呂梁。其東南之境。盡於長沙。通計州二百十有一。郡五百八。縣千二十有四。當全盛戰爭之際。則玉壁。郡。郡。齊子嶺。通洛防。黃樞三城。宜陽郡。陝州。主剗。三荆。三鵝鎮。置兵以備東軍。（通典卷一七一州郡一。）

按自東晉以迄隋初。南北州郡。建置紛如。最爲淆亂。所立州郡縣之數。多難實舉。大抵江左則紛綸於晉宋。增於齊。甚於梁。北方則元魏正始宣武之際。下逮東西魏之餘。同一繁複者也。

魏晉以來。遷徙百計。一郡分爲四五。一縣割成兩三。或昨屬荆豫。今隸司兗。朝爲零桂之士。夕爲廬九之民。去來紛擾。無暫止息。版籍爲之渾淆。職方所以不能記。（宋書卷一一律志序。）

自夷狄亂華。司冀。離。涼。青。并。兗。豫。幽。平諸州。一時淪沒。遺民南渡。并僑置牧司。非舊土也。江左……凡有揚。荆。湘。江。梁。益。交。廣。其徐州則有過半。豫州唯得譙城河南夏邑縣而已。及至宋世……太宗初。索虜南侵……自淮以北。化成虜庭……地理參差。其詳難舉。實由名號驟易。境土屢分。或一郡一縣。割成四五。四五之中。亟有離合。千回百改。巧歷不算。尋校推求。未易精悉。（宋書卷三五州郡志序。）

梁天監十年西曆五一一年以前。大抵因宋齊之舊。是後州名浸多。廢置離合。不可勝紀。大同二年西曆五三六年朱異奏。頃

置州稍廣。小大不倫。請分五品。其位秩高卑。參僚多少。皆以是爲差。於是上品二十州。次十州。又次八州。又次二十三州。下二十一州。時方事征伐。恢拓境宇。北踰淮汝。東距彭城。西開泔河。南平俚洞。注。交廣界表。俚人洞。紛綸甚衆。故異請分之。其下者皆異國之人。徒有州名。而無土地。或因荒徼之民。所居村落。置州及郡縣。刺史守令。皆用彼人爲之。尙書不能悉領。山川險遠。職貢鮮通。五品之外。又有二十餘州。不知處所。凡一百七州。又以邊境鎮戍。雖領民不多。欲重其將帥。皆建爲郡。或一人領二三郡。州郡雖多。戶口耗矣。（顧祖禹讀史方輿紀要卷四）

天保七年。西曆五十六年十一月。詔曰……兩漢承基。曹馬屬統。其間損益。難以勝言。魏自明帝孝昌之季。祿去公室。政出多門……是使豪家大族。鳩率鄉部。託迹勤王。規自署置……牧守令長。虛增其數。求功錄實。諒足爲煩……而丁口減於曠日。守令倍於昔辰……要荒之所。舊多浮僞。百室之邑。便立州名。三戶之民。空張郡目……循名督實。事歸烏有。（北齊書卷四文宣帝紀）

尙希時見天下州郡過多。上表曰……竊見當今郡縣。倍多於古。或地無百里。數縣並置。或戶不滿千。二郡分領。所謂民少官多。十羊九牧……今存要去閑。併小爲大……帝隋高祖覽而嘉之。於是遂罷天下諸郡。（隋書卷四六楊尙希傳）

南北朝疆域簡表

南北朝。僑立州郡至繁。茲依晉宋志爲綱。分疏南北各州。州數與志不盡合。則存廢不時之故。

晉		司	
南朝	宋	<p>晉書地理志。永嘉(五年)之後。司州淪沒劉聰。元帝渡牢。亦置司州於徐。非本所也。永和五年。桓温入洛。復置河南郡屬司州。</p> <p>宋書州郡志。武帝北平關洛。河南底定。置司州治虎牢。領河南滎陽弘農實土三郡。又有河內東京兆二僑郡。少帝景平初。司州復沒北虜。</p>	「司」 治虎牢
	齊		
	梁		
	陳		
北朝	魏	洛	「洛」 司 治洛陽 領郡十
		北豫	北豫 治虎牢 領郡三
	東魏	洛	仍 領郡六
		北豫	北豫
	西魏	陝	仍 領郡五
		北荆	治梁
齊	洛	仍	
	洛	仍	
周	洛	仍 置東京 六府總管	
	中	治新安	
	東義	仍	
	陝	仍	
	和	仍	
	滎	治虎牢	

陽
治宜陽
領郡二

相
治鄴

懷
治野王

雍
秦
治河東
郡

陽
仍

司
仍

義
寄治陳
城
領郡七

懷
仍
領郡二

秦
治河東
領郡二

懷
仍

熊
仍

相
治安陽

衛
仍

懷
仍

蒲
仍

西懷
治王屋